



GARIS PANDUAN PERTUKARAN TARAF PENCALONAN DARI PROGRAM SARJANA SECARA PENYELIDIKAN KE PROGRAM KEDOKTORAN SECARA PENYELIDIKAN

1. Pengenalan

Garis panduan pertukaran taraf pencalonan dari program Sarjana secara penyelidikan ke program Kedoktoran secara penyelidikan adalah bertujuan untuk penyeragaman pelaksanaan di Pusat Tanggungjawab (PTj). Garis panduan ini juga mengandungi format laporan dan penilaian penukaran taraf pencalonan dari program Sarjana secara penyelidikan ke program Kedoktoran secara penyelidikan.

2. Syarat dan Keperluan Pertukaran Taraf Pencalonan Dari Program Sarjana Secara Penyelidikan ke Program Kedoktoran secara penyelidikan

- (1) Calon program Sarjana secara penyelidikan sepenuh masa boleh dipertimbangkan untuk pertukaran taraf pencalonannya kepada program Kedoktoran secara penyelidikan sepenuh masa tertakluk kepada syarat berikut:
 - (a) tempoh permohonan pertukaran taraf pencalonan adalah di antara dua belas (12) hingga lima belas (15) bulan dari tarikh permulaan pendaftaran program pengajian Sarjana;
 - (b) mengemukakan permohonan bertulis kepada Penyelia dengan menggunakan borang seperti di Lampiran 1;
 - (c) menyerahkan satu (1) laporan penyelidikan yang tidak melebihi 6000 patah perkataan mengenai:
 - (i) Pengenalan dan skop penyelidikan;
 - (ii) Objektif penyelidikan;
 - (iii) Kaedah penyelidikan;
 - (iv) Rancangan penyelidikan yang membawa ke peringkat program Doktor Falsafah.
 - (d) mengemukakan hasil penyelidikan sepanjang tempoh pengajian program Sarjana iaitu:
 - (i) satu kertas jurnal yang diterima untuk penerbitan dan satu pembentangan seminar di peringkat universiti, kebangsaan atau antarabangsa;

ATAU

- (ii) satu permohonan paten yang sedang menunggu kelulusan (*patent pending*) atau telah diluluskan dan satu pembentangan seminar di peringkat universiti, kebangsaan atau antarabangsa;
- (2) Calon sepenuh masa perlu membentangkan hasil penyelidikannya dalam satu (1) seminar di hadapan panel penilai yang terdiri daripada dua (2) orang pakar dari dalam atau luar Universiti dalam bidang berkaitan sepertimana yang ditetapkan oleh PTj.
 - (3) Tempoh pencalonan ijazah Sarjana diambil kira dalam tempoh pengajian program Kedoktoran secara penyelidikan.
 - (4) Calon sepenuh masa yang diluluskan penukaran taraf pencalonan dikehendaki mendaftar bagi program Kedoktoran secara penyelidikan tidak melewati minggu kuliah kedua semester berikutnya.
 - (5) Calon sepenuh masa yang diluluskan penukaran taraf pencalonan tidak perlu mengambil semula kursus Kaedah Penyelidikan di peringkat program Kedoktoran secara penyelidikan.
 - (6) Calon sepenuh masa yang diluluskan penukaran taraf pencalonan hendaklah memenuhi keperluan syarat pengijazahan termasuk syarat penerbitan bagi program Kedoktoran secara penyelidikan.

3. Proses Permohonan

- (1) Calon sepenuh masa perlu mengemukakan borang permohonan seperti di Lampiran 1 kepada Penyelia.
 - (2) Satu (1) Panel Penilai yang dilantik oleh PTj akan menilai permohonan calon sepenuh masa yang diperakukan untuk penukaran taraf pencalonan.
 - (3) Panel yang dilantik akan menilai dua (2) aspek berikut:
 - (a) laporan penyelidikan untuk penukaran taraf, dan
 - (b) pembentangan seminar untuk penukaran taraf pencalonan.
- Format penilaian bagi laporan penyelidikan dan pembentangan seminar untuk penukaran taraf pencalonan adalah seperti di Lampiran 2.
- (4) Calon sepenuh masa perlu membuat pembentangan hasil penyelidikan di hadapan Panel Penilai seboleh-bolehnya dalam masa sebulan daripada tarikh permohonan penukaran taraf pencalonan.
 - (5) PTj perlu mengemukakan laporan Panel Penilai (Lampiran 2) untuk pertimbangan dan kelulusan mesyuarat PTj dan Senat.
 - (6) Calon sepenuh masa yang diluluskan penukaran taraf oleh Senat perlu mendaftar sebagai calon program Kedoktoran secara penyelidikan pada semester berikutnya.

4. Penutup

Garis panduan ini disediakan sebagai rujukan kepada staf akademik dan Pentadbir PTj dalam proses pertukaran taraf pencalonan dari program Sarjana secara penyelidikan ke program Kedoktoran secara penyelidikan. Ia bertujuan untuk menjamin kualiti dan memastikan keselarasan proses di setiap PTj. Garis panduan ini perlu dibaca bersama-sama dengan Kaedah-Kaedah dan Peraturan-Peraturan Universiti Malaya (Ijazah Kedoktoran) (versi terkini) dan Kaedah-Kaedah dan Peraturan-Peraturan Universiti Malaya (Ijazah Sarjana) (versi terkini).

Jadual *Graduate on Time* bagi calon yang telah diluluskan pertukaran taraf pencalonan dari program Sarjana secara penyelidikan ke program Kedoktoran secara penyelidikan secara sepenuh masa adalah seperti di Lampiran 3.

Garis Panduan ini adalah tertakluk kepada pindaan dari semasa ke semasa.

Diluluskan oleh Senat pada 25.02.2021.